

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-1324-2/16

Datum, 06. 04. 2016. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 10/15), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-1324-1/16 od 05.04.2016. godine, u postupku javne nabavke podvozja vatrogasne cisterne sa prenošenjem i nadogradnjom postojeće cisterne i vatrogasne opreme na nabavljeno podvozje, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-1324-1/16 od 05.04.2016. godine i Ugovor za javnu nabavku **podvozja vatrogasne cisterne sa prenošenjem i nadogradnjom postojeće cisterne i vatrogasne opreme na nabavljeno podvozje**, dodjeljuje se ponuđaču **DENIX DOO Srebrenik**, ponuda broj: 41-3/16 od 30.03.2016. godine, za ponuđenu cijenu od **20.000,00 KM sa PDV-om** kao prihvatljivu.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-1324/16 od 23.03.2016. godine.

Javna nabavka je sprovedena Konkurentskim zahtjevom za dostavu ponuda broj: 07-1324/16 od 23.03.2016. godine.

Procijenjena vrijednost javne nabavke bez PDV-a je 17.094,01 KM.

Obavještenje o nabavci broj: 761-7-1-37-3-15/16 poslato je na objavljivanje dana 24.03.2016. godine, a objavljeno je na Portalu javnih nabavki dana 24.03.2016. godine.

Komisija za javnu nabavku imenovana je Rješenjem broj: 07-1324/16 od 24.03.2016. godine.

Ponude po Konkurentskom zahtjevu za predmetnu nabavku su dostavili sljedeći ponuđači:

1. "DENIX" DOO Srebrenik. u ukupnom iznosu od 17.094,02 KM bez PDV-a, i
2. DOO "REMONT I SERVIS MOTORNIH VOZILA" Tuzla, u ukupnom iznosu od 26.500,00 KM bez PDV-a.

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponude ponuđača **DENIX DOO Srebrenik**, Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Pregledanjem ponude ponuđača **DOO "REMONT I SERVIS MOTORNIH VOZILA" Tuzla**, Komisija je konstatovala da ista nije potpuna iz razloga što ponuđač u ponudi nije dostavio potvrdu sa posljednjeg tehničkog pregleda koji je obavljen u posljednjih 6 mjeseci od dana otvaranja ponuda, kojom se potvrđuje tehnička ispravnost predmetne robe, a kako je propisano u tački 2.3. i tački 4.5. Konkurentskog zahtjeva za dostavu ponuda broj: 07-1324/16 od 23. 03. 2016. godine. Isto tako, ponuđač je u ponudi dostavio izjavu iz člana 52. Zakona o javnim nabavkama, koja je ovjerena od strane ponuđača, ali nije ovjerena od strane nadležnog organa za ovjeru potpisa kako je propisano u tački 1.6. Konkurentskog zahtjeva.

Iz gore navedenih razloga Komisija je odbacila ponudu ponuđača **DOO "REMONT I SERVIS MOTORNIH VOZILA" Tuzla** kao nepotpunu.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:


Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



OPĆINSKI NAČELNIK

Dr. sci. Nihad Omerović